



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Totius Tractatus De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

6. Denuntiatio.

urn:nbn:de:hbz:466:1-41559

Denunciatio.

1 Denunciare impedimenta matrimonij occulta tenetur, qui ea nouit, & correctio pretermittenda, si probabilis extat spes, vt profit. Non tamen tenebitur denunciare, si timeat probabiliter magnum scandalum. Tenebitur tamē, quamuis receperit impedimentum sub secreto, & confessionis secreto, cum tamen non sit vera confessio. Item tenetur, si audiuit à persona digna, ea non denunciante antea: secus, si non est fide digna, leuisque reputaretur eius dicto denuntians, & si audiuit, & non meminit à quo audiuit, vel audiuit à persona nihil certum scienti. Consulendum est tamen huic audienti à non fide dignis personis, vt faciat illas restificari, quando impedimentum non est infamatorium. Item non tenetur denunciare, si nouit, contrahentes impetrasse dispensationem occultam pro conscientie foro, cum sit impedimentum occultum, *lib. 3. rota d. sp. 13.*

2 Denuntiationes non sunt de matrimonij essentia: sunt tamen de præcepto obliganti ad mortale eas omittere, vel non facere eas in vtriusque parochia. Secus dicendum, si omitteretur vna ex tribus, quando moraliter creditur, nullum esse impedimentum, vel quando non sunt continuæ, & magnum non intercedit spatium inter vnam, & alteram, *lib. 3. tota disputat. 5.*

3 Denuntiationes debent fieri in vtriusque parochia.

parochia contrahentis à proprio paroco, vel alio de eius licentia, & debent fieri in parochia, vbi diutius habitârunt. Non tamen faciendâ, vbi est moderna habitatio: nec vbi est antiqua, si consanguinei contrahentium ibi non sunt, sed tunc debent fieri vbi sunt. Et debent fieri tribus diebus continuis festiuis, & nō debēt immediatē se subsequi, & si sola vna præmittatur, non debet statim matrimonium celebrari, & debent fieri inter missarum solēnia. Tamen sufficit, vt fiant in locis publicis competentibus. Idem dicendum, quamuis nō sit dies festiuus, & aliqua ex causa est magnus concursus populi ad Ecclesiam, *lib. 3. tota disput. 6.*

4 Denuntiationes repetendæ sunt, quando factis matrimonium differtur, vel matrimonium, in quo sunt factæ, fuit irritum, sed instauratur in foro externo, nisi paulo ante præmissæ essent, *l. 8. d. 35. n. 20.*

Dignitas.

1 Vicarius capituli, sede vacante, habet dignitatem requisitam, vt possit esse delegatus Pontificis. Item Vicarius Episcopi confirmati, & nondum consecrati. Item Vicarius Prælatorum habentium iurisdictionem quasi Episcopalem in sua diœcesi nulli Episcopo subdita, *l. 8. d. 27. à nu. 32. vsque ad 35.*

Dispensatio.

1 Habens priuilegium dispensandi in casibus Episcopi, non potest dispensare, quando
Epif-